

Era istòria de Carícies d'oli

Nòm:

Grop:

Tres amigues e un projècte respectuós damb era mairTèrra.

I a projèctes que nèishen per asard, d'auti, dempús de dar fôrça torns a ua idea e bèri uns, per besonh. Aguest ei eth cas de Carícies d'oli, un projècte rurau, joen, emprededor e en femenin.

Es sues protagonistes e creadores son Griselda, Àfrica e Montse, tres amigues d'un pòble dera comarca dera Terra Alta, Prat de Comte, apassionades pes productes naturaus que suenhen era pèth. De hèt, totes tres auien hèt bàlsams, òlis e sabons en casa en tot seguir es formules tradicionaus des sòns pairs e mair-sénhers.

Dempús d'èster mairs s'encuedèren que volien çò de milhor entàs sòns hilhs e, per açò, calie trobar productes sense components quimics que cuedèssen eth còs des mainatjons. Mès alavetz aguest tipe de producte non existie en mercat. Era aventura d'èster mairs les portèc ara aventura d'emprèner peth besonh, elaborar productes naturaus efectius e respectuosi damb era pèth des mès petiti. Es tres amigues, animades per amics e familhars, non s'ac pensèren mès e en 2011 neishec Carícies d'oli.

Eth prumèr producte que formulèren siguec un bàlsam tà protegir era pèth delicada deth nenet, sustot indicat tàs parts irritades e vermelhes. Tanben elaborèren un bàlsam entàs patacs o antiinflamatòris naturaus damb basa d'arnica. Mès tard creèren un repellent tà combàter era mosca nera e es mosquits, e un sabon vegetau liquid entath còs tà pèths sensibles damb gauc (*calendula officinalis*) e lavanda.

Aué en dia Carícies d'oli compde damb un laboratòri, a on Griselda, Àfrica e Montse creen e hèn es sues pròpies formules, que dempús venen ena botiga electronica o via comanda telefonica.


Toti es sòns cosmetics son 100% naturaus e artesanau. Er òli d'oliva de prumèra premsada en heired constituís era basa des sòns productes. Ath delà ne son productores. Tanben utilizen d'auti òlis vegetaus -eth d'amèlles doces, de virasolei, d'aueran, de sesam, etc.-, plantes medicinaus mediterranès e òlis essenciaus purs entà elaborar es cosmetics.

Er unic ingredient d'origina animau qu'empleguen ei era cera d'abelhes biologiques certificades que les servís d'emulsionant des bàlsams. Se tracte d'un producte de proximitat (era Terra Alta e es Terres de l'Ebre an longa tradicion apicòla e agricòla), fôrça pur e naturau, soent mens manipulats que d'auti emulsionants que s'utilizen en cosmetica naturau.

Cap des productes conten òlis mineraus ne ingredients quimics: perfums, colorants, conservants o parafines. Tanpòc tèsten es cosmetics en animaus, maugrat que pera sua composicion naturau jamès serien perjudiciaus entà cap èste viu ne entar entorn.

Aguesta manèra de trabalhar ei frut des valors de Carícies d'oli.

Es sues creadores an ua maxima: "non te metes ena pèth arren que non te pogues minjar".





Griselda, Àfrica e Montse non sonque trabalhen cada dia tà que tant petiti coma grani poguen gaudir des beneficis des cosmètics naturaus ena sua pèth, mès tanben tà qu'es persones tirem mès pes productes ecofriendly, de qualitat, de proximitat e respectuosi damb era natura.

Se vòs saber mès informacion sus Carícies d'oli, consulta era plana web: <http://www.caricies.com/ca/>

VOCABULARI E EXPRESSIONS

Per asard: per casualitat.

Arnica: èrba perenna de 30-35 cm de long, damb un petit rizòma deth quau arrinquen ua roseta de huelhes rigides e aspres e ua tija pilosa, acabada en un capítol auriòu, solitari, d'uns 7 cm de diàmètre.

Gauc: genre de plantes erbacèes dera familha des compòstes (Calendula sp), perennes o annaus, de huelhes altèrnes e de flors de color variable de jaune a iranja en capítols vistosi.

Lavanda: planta erbacèa perenna dera familha des labiades (Lanvandula angustifolia) de huelhes lanceolades e flors blues agropades en extrem d'ua tija florifèra. Es òlis essenciaus dera lavanda servissen tà fabricar era aigua de lavanda.

Emulsionant: dit dera substància que permet d'obtier ua emulsion* establa. / * Dispersion establa d'un liquid que contèn en suspension particules diminutes de un aute liquid, com era lèit, es globuls de boder.

Parafina: solid translucid blanc damb consistència cerosa constituït principauments per ua barreja d'idrocarburs saturadi. S'obten dera destillacion deth petròli.

Ecofriendly: respectuós damb eth miei ambient.

SINONIMS

Bàlsam: òli.

Cosmetic: crèma.

Tèsten: pròven.

Maxima: norma.

1 AUEM CURIOSITAT

1. Era Terra Alta ei ua comarca de Catalonha; pinta-la. En quina comarca viues? Pinta-la. Pinta d'autes comarques que coneishes.

2. A Griselda, Àfrica e a Montse les apassione crear productes naturaus qu'ajuden a cuedar era pèth e eth còs. Quines causes t'agrade hèr a tu? Hès bèra activitat tà practicar-les?

.....
.....

3. Qué ei un producte de proximitat?

.....

4. Quini productes artesanans se hèn ena zòna a on viues? Demana as pairs e as pair-sénhers e escriu tot çò que sàpies.

.....

